

《無量壽經優婆提舍願生偈》 補充講表

◎附表三：

○四、觀察門※《靈峰宗論》卷第九之二。【戒心戒方銘】云：「若要熟處漸生，先須生處漸熟。」

※《金剛經講義》云：「淨土法門之妙，在改變眾生之心。而觀想極樂世界之六塵，即不住空；由此而脫離五濁之六塵，即不住有。故佛法治心，不重降伏而重轉移；使眾生心轉向佛境之六塵，即脫離五濁之六塵。二邊不著之下手方法，即在此。」

◆以下糅合懺雲老和尚《十六觀經觀法大意》開示

- 一、觀想念佛能夠使分裂的精神集中，而使令攝心持名念佛。
- 二、觀想念佛能夠洗心滌慮，而使令攝心持名念佛。
- 三、觀想念佛能夠役使第六識，轉識成智，而不被十使煩惱所動搖，因而攝心念佛。
- 四、觀想念佛，可以增長持名念佛的專注力與相續力。如蒙山施食觀想。
- 五、觀想念佛有助於清淨心的開顯。※《楞嚴經》卷五云：「如染香人，身有香氣。」

※《觀普賢菩薩行法經》云：「一切業障海，皆由妄想生。」：第六識一念迷

※《佛說觀無量壽佛經》云：「諸佛正徧知海，從心想生。」：第六識一念悟

※《觀經四帖疏》卷三云：「行者等若不識彼境光相者，即看此日輪光明之相。若行住坐臥，禮念憶想，常作此解。不久之間，即得定心，見彼淨土之事快樂莊嚴。為此義故，世尊先教作日想觀也。」

又云：「寶地眾多，光明無量，一一光等，化作光臺，遍滿空中。行者等行住坐臥，常作此想。」

又云：「又此樹量彌高，縱廣彌闊。華果眾多，神變非一。一一樹既然，遍滿彼國所有諸樹之果眾多，盡皆如此，應知。一切行者，行住坐臥，常作此想。」

又云：「此明諸行者等，行住坐臥，常緣彼國一切寶樹，一切寶樓華池等。若禮念，若觀想，常作此解也。」

○觀彼世界相，勝過三界道。（以下糅合《往生論註》）

◆此二句，即是第一事（共有十七事），名為觀察莊嚴清淨功德成就，此清淨是總相。佛本所以起此莊嚴清淨功德者，見三界是虛偽相，是輪轉相，是無窮相，如虱（讀音尺）蠖（屈伸蟲，讀音或）循環，如蠶繭自縛。哀哉眾生！締此三界，顛倒不淨。欲置眾生於不虛偽處，於不輪轉處，於不無窮處，得畢竟安樂大清淨處，是故起此清淨莊嚴功德也。

◆觀者，觀察也。彼者，彼安樂國也。世界相者，彼安樂世界清淨相也，其相別在下。勝過三界道：道者，通也。以如此因得如此果，以如此果酬如此因。通因至果，通果酬因，故名為道。《維摩詰經》云：「若菩薩欲得淨土，當淨其心，隨其心淨，則佛土淨。」

娑婆世界：添夢者也，惡夢也。有漏境界：正報有生老病死，依報有成住壞空。
極樂世界：醒夢者也，好夢也。無漏境界：正報無生老病死，依報無成住壞空。

※《徹悟禪師語錄》云：「與其夢受娑婆之極苦，何若夢受極樂之妙樂！況娑婆之夢，從夢入夢，夢之又夢，展轉沈迷者也。極樂之夢，從夢入覺，覺之又覺，漸至於大覺者也。夢雖同，所以夢者，未嘗同也。」

※《靈峰宗論》卷第二之四云：「夫依對待而論，娑婆活計，添夢者也；求生淨土，醒夢者也，不可不求生也。依絕待而論，惑業感於三界，惡夢也；念佛生於淨土，好夢也，亦不可不求生也。」

○究竟如虛空，廣大無邊際。（以下糅合《往生論註》）此二句，名莊嚴量功德成就。佛

◆本所以起此莊嚴量功德者，見三界狹小，墮陁（讀音刑）陪階（讀音主），或宮觀迫迮（讀音則），或土田逼隘，或志求路促，或山河隔障，或國界分部。有如此等種種舉急事，是故菩薩興此莊嚴量功德願，願我國土如虛空，廣大無際。如虛空者，言來生者雖眾，猶若無也。廣大無際者，成上如虛空義。何故如虛空？以廣大無際故。

※《佛說無量壽經》：「其諸聲聞菩薩天人，智慧高明，神通洞達，咸同一類，形無異狀，但因順餘方，故有天人之名。顏貌端正，超世希有，容色微妙，非天非人，皆受自然虛無之身，無極之體。」

○正道大慈悲，出世善根生。（以下糅合《往生論註》）

◆此二句，名莊嚴性功德成就。佛本何故起此莊嚴？見有國土，以愛欲故，則有欲界。以攀厭禪定故，則有色無色界。此三界皆是有漏邪道所生。長寢大夢，莫知惺出。是故興大悲心，願我成佛，以無上正見道，起清淨土，出於三界。

※《佛說無量壽經》：「設我得佛，國中天人，若起想念貪計身者，不取正覺。」：第十願

◆正道大慈悲，出世善根生者，平等大道也。平等道，所以名為正道者，平等是諸法體相。

以諸法平等，故發心等；發心等，故道等；道等，故大慈悲等。大慈悲是佛道正因，故言正道大慈悲。慈悲有三緣：一者、眾生緣，是小悲。二者、法緣，是中悲。三者、無緣，是大悲，大悲即出世善也。安樂淨土，從此大悲生故，故謂此大悲為淨土之根，故曰：出世善根生。

※《金剛經》云：「須菩提！我於阿耨多羅三藐三菩提，乃至無有少法可得，是名阿耨多羅

三藐三菩提。』復次，須菩提！是法平等，無有高下，是名阿耨多羅三藐三菩提。」

○善根：※《大乘起信論裂網疏》卷五：「行十善道者，世間善根力也。厭生死苦者，出世

善根力也。求無上覺者，出世上上善根力也。此三善根，

前不具後，後必具前。必須具三善根，方得信成就也。」

○淨光明滿足，如鏡日月輪。

◆此二句，名莊嚴形相功德成就。佛本所以起此莊嚴功德者，見日行四域，光不周三方。

庭燎（讀音料，火炬）在宅，明不滿十仞。以是故起滿淨光明願，如日月光輪，滿足自

體。彼安樂淨土，雖復廣大無邊，清淨光明無不充塞，故曰「淨光明滿足，如鏡日月輪。」

※漢譯本《佛說無量清淨平等覺經》卷第三：「極樂世界，其日、月、星辰皆在虛空中住

止，亦不復迴轉運行，亦無有精光，其明皆蔽不復現。」

○備諸珍寶性，具足妙莊嚴（以下糅合《往生論註》）

◆此二句，名莊嚴種種事功德成就。佛本何故起此莊嚴？見有國土，以泥土為宮飾，以木石為華觀。或雕金鏤玉，意願不充。或營備百千，具受辛苦。以此故興大悲心，願我成佛，必使珍寶具足，嚴麗自然，相忘於有餘，自得於佛道。性者，本義也。能生既淨，所生焉得不淨？故經言：隨其心淨，則佛土淨。是故言「備諸珍寶性，具足妙莊嚴」。

※《佛說無量壽經》：「設我得佛，自地以上，至於虛空，宮殿樓觀，池流華樹，國土所有一切萬物，皆以無量雜寶百千種香而共合成。嚴飾奇妙，超諸天人。其香普薰十方世界。菩薩聞者，皆修佛行。若不爾者，不取正覺。」（第三十二願）

※《佛說無量壽經》云：「其講堂、精舍、宮殿、樓觀，皆七寶莊嚴，自然化成。復以真珠、明月、摩尼眾寶，以為交絡，覆蓋其上。」

又云：「所處宮殿，衣服飲食，眾妙華香，莊嚴之具，猶第六天自然之物。」

※《佛說觀無量壽佛經》云：「觀寶樹者，一一觀之，作七重行樹想。一一樹，高八千由旬。其諸寶樹，七寶華葉，無不具足。」「一一華葉，作異寶色：琉璃色中，出金色光；

玻璃色中，出紅色光；瑪瑙色中，出磳磳光；磳磳色中，出綠真珠光。珊瑚琥珀，一切眾寶，以為映飾。」此諸寶樹，行行相當，葉葉相次。於眾葉間，生諸妙華，華上自然有七寶果。一一樹葉，縱廣正等二十五由旬。其葉千色，有百種畫，如天瓔珞。有眾妙華，作閻浮檀金色，如旋火輪，宛轉葉間，涌生諸果，如帝釋瓶；有大光明，化成幢幡、無量寶蓋。是寶蓋中，映現三千大千世界，一切佛事；十方佛國，亦於中現。」

※《佛說觀無量壽佛經》云：「一一池水，七寶所成。其寶柔軟，從如意珠王生，分為十四支；一一支，作七寶妙色。黃金為渠，渠下皆以雜色金剛，以為底沙；一一水中，有六十億七寶蓮華；一一蓮華，團圓正等十二由旬。」

※《佛說觀無量壽佛經》云：「其摩尼水，流注華間，尋樹上下。其聲微妙，演說苦、空、無常、無我、諸波羅蜜，復有讚歎諸佛相好者。」

又云：「此想成時，佛菩薩像皆放光明，其光金色，照諸寶樹。一一樹下，亦有三蓮華；諸蓮華上，各有一佛、二菩薩像，徧滿彼國。」